

# Arubaanse Courant

Directiva y anuncio, tel: 1116

Redaccion y subscripcion, tel: 2116

Manager: E. Wouters.

DIARAZON 30 DI JUNI 1965

Boerhavestraat 12, Oranjestad

Subscripcion pa luna fl. 3,25

Un edicion los fl. 0,20

## APPARATO RONTGEN AWE TARDI OFFICIALMENTE ENTREGA NA S.P.H.

ORANJESTAD, Awe tardi cuator lo tuma lugar na San Pedro Hospitaal na Oranjestad un ceremonia pa efectua e entrega official di e aparato di Rontgen, un regalo di Koningin Wilhelmina Fonds pa combati cancer na e hospital menciona. Pa e ocasion aki algun autoridad, personal medico di Aruba y directiva di Koningin Wilhelmina Fonds a keda invita. E aparato aki a costa como Fl. 26.600 y a worde instala door di firma Elga N.V., mientras cu e lugar caminda e aparato lo funciona a worde construi segun indicacionnan special di fabrieknan Philips cu a entrega e aparato, pa e departamento tecnico di San Pedro Hospital bao gia di e hefe tecnico senyor A. E. Bergen. E trabao cu e aparato lo bai worde haci pa dr. A. Nieboer rontgoloog y director medico di e hospital.

Na fin di anja pasa Koningin Wilhelminafonds a entrega un cheke di Fl. 26.600 a worde entrega na Elga N.V. representante di fabrieknan Philips di Hulanda na Antillas, pa cumpra e aparato Rontgen cu ta worde usa pa cura cancer.

E aparato aki a worde regala na San Pedro Hospital.

Na fin di anja pasa esaki a yega Aruba y e instalacion por a cuminsa na San Pedro Hospital. Pero promer cu esaki a tuma lugar un edificio den San Pedro Hospitaal mester a worde prepara. Esaki segun instruccionan y exihencionan. Pues e rayonan cu e aparato aki ta manda taloke ta worde yama e rayonan X cu por ta peligroso si e worde hanja di mas. E edificio den cual e aparato a keda instala tabata un lugar di warda material. E murayanan a worde haci mas diki segun instruccion pa yega na un cierto peso di material. Pa esaki blokinan di beton a worde usa. E murayanan a hanja un hanchura di mas o menos trinta pa cuarenta y tres centimetro. Esaki ta necesario pa e absorcion di e rayonan door di e massa door di cual e rayonan no ta yega na e edificionan den cercano.

E espacio di edificio aki ta consisti di un lugar caminda e aparato por worde maneha y un otro compartimento caminda e aparato mes ta y na unda e patient ta worde trata bao di e aparato. E espacio di e dos lugarnan aki ta worde dicidi door di un muraya y alavez un glas di cumbo di tres centimetro diki door di cual e rontgoloog cu ta traha cu e aparato por mira e patient den e otro cuarto caminda e aparato ta. Door di esaki e medico por observa su patient drumi bao di e aparato Rontgen sin cu e mes corre danjo door di e rayonan. Door di e peligernan cu e rayonan aki varios medida nan special mester a worde tuma pa evita esaki tanto posibel. A sina por ehemplo un porta special pa e cuarto di e patient a worde construi cual tin un altura di dos meter y ta un meter binti diki.

E porta ta consisti di tres parti di triplex y dos parti di chumbo. Su peso total ta nada menos cu tres cien kilo. Door di un construccion special ta facil pa habri



Prins Bernhard a cumpli un anja mas di bida. E prins a nace na 1911, esta precies 54 anja pasa.

y cera e porta aki. Alavez door di un coneccion special a worde logra cu ora e porta aki worde habri, si e aparato ta trahando, automaticamente esaki ta stop. Door di e peso enorme di e aparato cu ta ocho cien kilo un fundeshi special a worde traha pa esaki, mescos tambe pa e lessenaar special for di cual e aparato por worde gla. Cual ta pisa dos cien kilo. E construccion di e edificio aki a cuminsa dia binti un di januari ultimo y algun luna pasa a keda termina. E instalacion di e aparato a cuminsa na luna di maart ultimo despues cu el a yega Aruba fin di anja pasa.

E instalacion a worde haci pa senjores J. de Graaf y ir. V. Henriquez di Elga N.V. Curacao.

E construccion di e lugar a worde efectua bao di gia di senyor A.E. Bergen, hefe tecnico na San Pedro Hospital esaki a worde construi dital manera cu

e ta segun aprobacion legal di Hulanda pa uso di tal aparatonan.

Despues cu e instalacion di e aparato a keda cla, sr. Nuboor a cuminsa test e cu bon exito te na e momento. Anteriormente patientnan pa tal tratamiento mester a bai Curacao.

## PRONTO MUNDO POR MIRA FOTONAN DI E SUPERFICIE DI E PLANETA MARS

WASHINGTON -- UPI -- Mundu lo por mira fotonan di e superficie di e planeta Mars den un plazo di dos dia despues qu e cohete Mariner 4 lo pasa cerca di e planeta corra dia 14 di juli awor.

Autoridadnan di e direccion di espacio a bisa qu nan lo no detene arbitrariamente ningun di e 20 fotonan qu e cohete lo tuma di casi 261 kilo. Nan ta kere qu e prome fotonan lo ta cla pa publica den un plazo di 36 pa 48 ora despues qu Mariner 4 a capta nan.

Na momentonan qu nan a hasi e anuncio, e direccion federal di espacio a rechaza e rumor nan di qu algun fotonan lo ser reserva pa un tempu indefini pa e estudio di e cientificonan.

E fotonan lo ser transmiti pa terra a traves di mas di 215 millon kilometer di espacio. Nan tin mester di mas o menos ocho ora pa transmision di cada cuadro di cinta magnetica den cual Ma-

riner 4 lo registra e vistanan.

## Oranje Vereniging a ricibi gradicimento

ORANJESTAD - Ayera Oranje Vereniging na Aruba a ricibi un telegram di gradicimento di Reina Juliana y Principe Bernhard pa nan telegram di felicitacion manda na e ocasion di e compromiso di princesa Beatrix cu senyor Claus von Amsberg.

**FATUM**  
Pa tur bo aseguranan  
Tel. 1843.

# Drink..



# it never varies

# DIFUNTONAN DR. DUSSEN BROEK Y EDDIE DE VEER COMO EDITORNAN DI "ARUBAANSE COURANT" PROME CU 1965



Dr. F. Dussenbroek

Den nos articulo anterior tocante corantnan bieu na Aruba nos a menciona dokter Dussenbroek como redactor di e corant "Gevaar en bescherming". E dokter mes no a jega na leza e articulo, pasobra algun dia despues cu e articulo a sali, el a fallece.

E dokter cu a muri recientemente tabata envolvi den tur cos. Cada biaha bo tabata hanja bo confronta cu actividadnan nobo di e persona energetico aki. Den su calida di dokter el a trece un gran parti di e poblacion di Aruba na mundu. Como landraad den anjanan atras e tabatin autorizacion pa casa hende y den e puesto ey el a hinka cientos di pareha den un bida nobo. E tabata un di e fundadornan di un partido politico y door di esey el a jega den Staten. Y tambe e tabata un di e prome editornan di e corant cu actualmente nos conoce como "Arubaanse Courant".




S. Vieira.

Un tal Simson Vieira, actualmente hefe di e servicio telegrafico di KLM na Amsterdam, tabata inspector di Lago Shipping Company na 1937.

E mericanonan cu tabata biba aki tabata interesa den noticianan di Bolsa y Vieira a cuminsa, apoyando pa e director di Lago L.G. Smith, un corant di stencil pa e hendenan di Lago. Dia 17 di oktober 1937 e corant aki a sali pa promer biaha, paga door di Lago y parti pornada.

Na Oranjestad tambe nan tabata mira algo den un corant, pero na promer lugar sigur no pa e noticianan di afo. Dokter Dussenbroek e ora ey a tuma e iniciativa pa traha un corant imprimi for di e corant di stencil di Lago. El a palabra cu Vieira. Gracias na sr. Eddie de Veer, den kende



Eddie de Veer.

su cura ainda tabatin un machin di druk di man y algun kashi cu, letternan di "El Despertador" (mira nos articulo anterior), nan a cuminsa cu e corant "Aruba Post" for di cual "Arubaanse Courant" a nace - dia 25 di juli 1938 na Oranjestad. A ser fundado pa srs. Dussenbroek y De Veer e "Aruba Printing & Publishing Company" segun acta di 7 di november 1938, na oficina

di notario M.M. Berens. E statutan a keda aproba segun un decreto di gobierno di 10 di october siguiente.

No mester peca cu e aparicion dia 25 di juli a bai asina. No tabatin un tipografo na Aruba y nan mester abusca prome cu turcos algun hende for di Surinam y British Guyana pa haci e trabau di setmento di letter. Despues di e prome edicion dia 25 di juli, "Aruba Post" no a sali en total dia 26 di juli. E trahadornan a lubida di kibra e prome edicion y pone e letternan na nan lugar - tur e letternan tabata poni na man - y ademas tabatin muchupoco letter pa traha un di dos corant... E circulacion di Aruba Post tabata 600 y e muchanan tabata bende nan riba caya. Na San Nicolas a yega di sosode cu algun biaha e muchanan a desaparece cu e centnan di corant den "Village". Pero pronto algun yiu di empleadonan di Lago abata yuda cu e bendemento y tur cos tabata bai na ordu. E corantnan tabata worde bendi manera pancayente. Anja aden anja afo esaki a tuma lugar.

Te na 1940 e prome linotype a jega Aruba, un machin di zet mericano di segundo mano. Ora cu e machin a keda instala, a resulta cu su bendedor a lubida di empaketa e matrijsnan (letternan) huntu cu e machin. E druk-

kerij tabata jama Aruba Post mescos cu e corant, y esaki tabata e edificio chikito den cual ta ainda e libreria Aruba Post estableci na San Nicolas, un negoshi di De Wit Stores N.V., cu number pues ta bini di e corant Aruba Post.

Una vez cu e machin di zet a keda cla, e circulacion a subi enorme: Aruba Post a obtene un circulacion di 2000 ehemplar pa dia. Vieira tabata percursa pa su corant tabata riba caya - o meho dicho bendi - prome cu e avior cu ta trece Amigoe, Beurs of La Prensa di e dia ey jega Aruba. E tabatin un poco suerte: Durante guera tur hende kier a keda na haltura.

E crecimiento den e circulacion a trece mas trabau pa senjor Vieira, kende mester a dobla tur e corantnan..... cu man! E guera a trece problemaman pa loke trata di papel pa druk corant, pero tabata gracioso pa mira cor Kuiperi di "La Verdad", Aristides Wever di "El Despertador" tabata parti nan papel cu Vieira, kende e dia siguiente mes nan tabata habraka riba papel.

Na 1943 Vieira a laga Aruba y a blaha via e Nederlandse Militaire Vliegschool pa Estados Unidos pa e camponan di guerra. E corant a keda wanta poco poco, pero na 1946 nan a cable den "Arubaanse Courant" y e prome temponan e number

"Aruba Post" a keda para den cabez di a corant. Tambe e conteo a sigi normal, pero na lugar di sali diariamente "Arubaanse Courant" tabata sali como semanario. Te dia 1 di februario 1952 el a bolbe bira un diario - e di cinco diario di Aruba; e otro nan ta o tabata: Aruba Post, The Bulletin (un corant di Aristides Wever na 1939), Chuchubi, y - desde maart 1951 - Savaneta Post un corant di un circulacion di..... 12 ehemplar, cual a worde saca e tempo ey pa e habitante nan di Savaneta Kamp.

Aruba Post tabata propiedad di e mencionado Sociedad Anonima; na 1950, tempo cu e number ya a worde cambia den "Arubaanse Courant", senjor D.J. de Wit, actualmente director di de Wit Stores N.V., a bira e donjo, y desde 1 december 1954 e corant ta propiedad di "N.V. Arubaanse Drukkerij en Uitgevers - en Publiciteits Maatschappij", cual ta asocia cu e "Beurs - Concern" na Corsow. E concern aki a mantene "Beurs- en Nieuwsberichten" pa e abonadonan cu tabata desea un corant na Hulandes, y na mes momento a cambia e idioma di Arubaanse Courant den papiamento, di manera cu esaki a bira e corant di pueblo di Aruba.

Un di e lezadornan di mas fiel di e corant aki tabata semper dokter Dussenbroek.

Johan Hartog.

# CORTINA

E auto cu elegancia sin igual  
pa hendenan di bon smaak!

INCOMPARABLE

- Den disenjo
- Den seguridad
- Den ventahanan tecnico
- Den comfort

ta e producto  
aki di

Agente: NEME IMPORT EXPORT CO., LTD  
COLUMBUSSTRAAT 9 - TEL. 1840-1754 -1775  
ENTRE WILHELMINASTRAAT Y NASSAUSTRAAT

e sigaria  
mas tantu  
humid!...

# ANTILLANA

cu filtro.

y sin.

filtro



# AVP A SPAT FOR DI OTRO

Ayera a yega den nos poder un comunicado di prensa di fecha 29 di juni 1965, firma pa senjores L. Victoriano Britten, Dominico Flemming y Dominico Tromp, den cual e trio aki, cu ta conoci como e miembronan malcontento den e partido AVP ta duna un declaracion consistiendo di diez punto, na e pueblo di Aruba.

E comunicado di e tres miembronan malcontento ta contene lo siguiente:

- 1) E suscritonan ta convenci di e necesidad di efectua un reorganizacion den AVP, cual reorganizacion lo resulta na interes 1 beneficio di AVP y di pueblo en general.
- 2) Entre otro cos e reorganizacion aki lo implica cu e decision

tocante kende lo encabeza e lista pa e proximo eleccion pa Staten lo ta algo cu lo mester bini como resultado di consultacion mutuo y no cu ta sr. Albert Eman AUTOMATICAMENTE lo pasa na ocupa e puesto ey como si fuera ta cuestion di herencia.

3) E suscritonan ta di opinion cu AVP mester laga un banda e politica negativo cu nan a sigui te awor; cu otro palabra e suscritonan ta opina cu AVP mester bandona e "policy" di destrui pa destrui numa, sin ofrece nada constructivo y sano na luga di loke kier destrui.

4) E suscritonan, ademas, ta di opinion cu e actual lider di AVP ta mucho guia pa sentimentonan di rencor, naci como consecuencia di un antagonismo personal, cu no ta encaha mas den e relacionnan politico di e Aruba moderno y progresista di awendia. Como consecuencia di e sentimentonan negativo aki, sr. Albert Eman a guia e partido den un rumbo den cual interes personal ta prevalece riba interes general di pueblo.

5) E suscritonan tambe ta di opinion cu e acuerdo, convenio of entendimiento cu AVP tini cu NVP di dr. Da Costa Gomez di Corsow, den cual sr. Albert Eman caprichosamente kier persisti, no a trece otro cos cu perhuicio y desastre pa pueblo di Aruba den pasado y pa e motibo aki e suscritonan a insisti cerca sr. Albert Eman pa trece cambio den e re-

lacionnan desfavorable y anticua aki.

6) Despues di a reuni cu sr. Albert Eman y algun otro lider di AVP, e suscritonan a constata cu den sr. Albert Eman un fuerte resistencia na efectua e plan di reorganizacion den AVP cu e suscritonan a propone y cu ta asina necesario pa buena marcha y desarroyo di e partido na bienestar di Aruba.

7) E suscritonan ta lamenta e resistencia aki di sr. Albert Eman, especialmente n'e momento historico aki cu Aruba ta bibando, den cual e situacion economico di nos isla ta rekeri un union di tur esfuerzo constructivo, positivo y bon intencion na beneficio di un Aruba mehor...

8) Tumando na cuenta e actitud negativo aki, cual evidentemente ta basa riba un keremento falso di cu familia Eman ta donjo y senior di AVP e suscritonan, despues di amplio consulta y despues di a duna sr. Eman tur sorto di oportunidad di permiti pa AVP ser debida y solidamente reorganisa - oportunidad cu a resulta en vano -

A DICIDI DI NO PARTICIPAR MAS DEN REUNIONAN DI EILANDSRAAD COMO INTEGRANTENAN DI AVP, PA ASINA DEMOSTRA PUBLICAMENTE CU NAN TA EN COMPLETO DESACUERDO CU E POLITICA CONSERVADOR DEN CUAL SR. EMAN TA SIGUI GUIA AVP.

9 E suscritonan a tuma e paso aki pasobra nan ta convenci cu di e manera aki nan ta sirbi den e mehor forma interes general di pueblo di Aruba. Nan decision ta base exclusivamente riba motibonan ideologico. P' esey nan no ta afilia nan mes na ningun partido existente. Nan lo continua formando parti di oposicion, ma lo sigi den Eilandsraad un politica sano, constructivo y progresista, combatiendo of apoyando un proposicion, plan of proyecto, no segun e persona of partido di kende e ta bini, sino basa riba e contenido y nificacion desfavorable of beneficioso pa interes general di pueblo di Aruba, e pueblo cu merece pa su interesnan ser protegi y fomenta di un manera conciendo y husto, y no manera sr. Albert Eman ta haciendo ultimo anjanan den AVP.

10 E suscritonan ta convenci cu pueblo di Aruba ta apoya e reorganizacion cu nan a desea y e paso cu nan a tuma, cual ta un medida cu lo pone nan den un mehor posicion pa sirbi interes di e pueblo, e pueblo progresista di e Aruba di awe, cu no ta e mesun cu cual familia Eman ta sonja sonjonan di adoracion, e pueblo decidido di e Aruba di awe, cu no ta e mesun cu familia Eman ta sonja kere di por mantene como esclavonan segulor y obediente.

E declaracion aki tabata firma pa srs. L.V. Britten, D. Flemming y D. Tromp.

Cu e abandonamentu di fila di A.V.P. pa tres di nan prominentes figuranan e partido di oposicion a basha den otro y nada mas

pasombra nan tini un lider terco cu ta kere ainda di por trata usa pueblo pa beneficio di dje y sy famia.

Di cierto banda ta ser hasi tur sorto di esfuerzo pa trata di laga pasa como si fuera e kiebraz den A.V.P. ta algu poco di importancia y masha afan e mes fuentenan aki kier trata di señala y propaganda cu tin dificultad tambe den PPA, Esaki no ta berdadero, esaki ta un mentira. Jamas y nunca por tini e dificultadnan cu tin den A.V.P. den un partido manera PPA. PPA ta un partido cu ta ser hiba democraticamente constiendo di diferente gruponan cu ta forma e poblacion di e isla di Aruba, den PPA no tini un homber cu ta dicta e politica cu mester ser sigui sino cu liderato di e partido ta dicidi e politica despues di discuti y tende punto di bista di tur e gruponan cu cooperando huntuta forma e grandioso partido PPA. Esaki ta e base cu a ser pone pa difunto Juancho Yrausquin, cu estrictamente ta ser sigui pa esnan cu a tuma su lugar.


Partido PPA ta un partido progresista, ta un partido cu ideanan di hiba Aruba riba un caminda di mas progreso, ta un partido cu tini un interes di e pueblo di Aruba na pecho y no un partido cu ta sirbi interes di un famia manera AVP.

Pueblo di Aruba mester ta contentu cu e kiebraz den AVP pasombra esaki ta proba cu te hasta den filanan di partido di oposicion ta reña e deseo pa libertad cu no por acepta ningun sorto di dictadura di ariba. Cu e kiebraz aki den AVP nos ta kere cu a yega fin pa semper na loque un tempu tabata conoce na Aruba cu Emanismo. Y e pueblo di Aruba awor lo sigui busca su destino den un partido democratico manera ta PPA.

Esnan cu a bandona e fila di AVP a muestra tambe riba e hecho cu un di nan motibo pa bandona AVP ta e asociacion cu e ultimo aki tini cu un figura manera mr. dr. Da Costa Gomez lider di NVP na Corsow. Ta logico cu ningun arubano cu ta sigui politica mester sintie punto di bista aki. Dr. Da Costa Gomez ya pa anjos largo no ta hibando otro politica sino esun di critica ridiculisa y trata di kita for di e pueblo di Bonaire y islanan ariba e derechonan cu ta toca nan, como partinan liber e igual di Antillas Hulandes. Nos por comprende e sentimentonan di e hoben, esnan arubano cu ta repudia un politica asina y cu awe no por sigui sostene un politica conservador unicamente pasobra esaki por tini ventaha personal pa famia Eman. E kiebraz den AVP ta proba cu e pueblo di Aruba a lanta for di sonjo te hasta e parti cu tabata pertenece na oposicion y cu awor conhuntamente nan lo bai traha pa progreso di e isla di Aruba.

Nos loque termina felicitando e pueblo di Aruba cu e kiebraz den AVP ya cu awor ta mas probable cu henter e pueblo di Aruba lo uni den e unico partido di pueblo, partido PPA cu ayera, awe y majan lo pensa semper den cosnan cu lo trese union y progreso den e famia di Aruba y cu nunca lo no ser usa pa sirbi interesnan di un solo famia.

**CAMBIA UN FUSE CU A BULA TA MES FACIL CU CAMBIA UN BOMBILLO DI LAMPI**



- 1 PAGA E SWITCH PRINCIPAL
- 2 LOS E FUSE CU A BULA
- 3 CAMBIE PA UN FUSE DI E MESUN SIZE

PHONE 2170



K I L O W A T T  
R E D D Y

**TUR TRABAO DI CAS TA WORDU HACI DEN UN TEMPU MINIMO NA PRIJS BARATA, CU AYUDO DI APARATONAN ELECTRICO**



ZUIDSTRAAT (TRAS DI WILHEMINASTRAAT)



## TA HUUR

Un deposito grandi den van Walbeekstraat 21, Fls. 125.00 pa luna.  
Pa mas informacion yama: Aruba Hardware Store (Brenchi Arends).  
Tel. 2247.



## Territorio Insular di Aruba

Ontvanger di Territorio Insular di Aruba ta participa abononnan cu no a paga nan abono di Telefoon di luna di juni 1965 cu aanmaning lo serponi na post dia 1 di juli 1965 y cu for di dia 2 di juli 1965 lo cuminsa cobra gasto di aanmaning pa abononnan di juni 1965.

# BEBE.



## Nunca E ta Varia



Den un bodega tin bari....  
pero na **LA GRAN BODEGA**  
den Wilhelminastraat 51 tin  
hopi bari, yen di comestibles  
di e **MIHOR CALIDAD**

\* Extracto di malta  
(German Stout)  
\* Purina, cuminda pa gainja  
y otro bestia.  
\* tur sorto di comestibles  
\* Hardware  
Birgrabbelton..... na  
**PRISNAN BARATA!!**



with  
**EVERSEAL PAINTS -**



## SPOTLIGHT RIBA WILHELMINASTRAAT



### PARTICIPA Y GANA PREMIOS

1 vale fl 15.- di Mario S. Arends  
1 vale fl. 15.- di Aruba Hardware Store  
1 vale fl 15.- di Arubaanse Courant  
1 botter di Bacardi y un botter di White Label  
obsequia pa Winkel's Handel Maatschappij

**SOLAMENTE PA  
ABONADONAN DI  
ARUBAANSE COURANT  
POR PARTICIPA**

TUR ABONADO TIN OPORTUNIDAD DI GANA PLACA MANDA BO CONTESTA POR ULTIMO DIA 9 DI  
JULI VENIDERO PA ARUBAANSE COURANT, BOERHAAVESTR.: 12. CU BO NOMBER Y ADRES.

Esaki ta un puzzle di cual e  
prome letter di palabranan ha-  
ja ta forma di ariba pabao  
lesá, un nomber di calla co-  
noci na Oranjestad.

1. Number di un parha Antillano
  2. Peninsula na Europa
  3. Capital di pais Suramericano
  4. Hendenan
  5. Pa semper
  6. Capital di Inglatera
  7. Mainta tempran
  8. Princesa Hulandes
  9. Jamas
  10. Un poco
  11. Parti di un cas
  12. Aparato electrico
  13. Animal
  14. Pais na Sur America
  15. Di tal manera
  16. Mario Lanza tabata un.....
- E prome letter di e palabranan haya ta forma di ariba p' abao lesá, un nomber di caya conoci na Oranjestad.

1. ....
2. ....
3. ....
4. ....
5. ....
6. ....
7. ....
8. ....
9. ....
10. ....
11. ....
12. ....
13. ....
14. ....
15. ....
16. ....

### ADDISON W. CROES

Wilhelminastraat 17  
For your  
**BUILDERS HARDWARE AND  
BUILDING MATERIALS**

Distr. **ADDISON W. CROES**  
Wilhelminastraat 17.

### GRADICIMIENTO

Pa medio di esaki nos kier manda nos mas sincera gradici-  
mento na dokter Jansen, Pastoor Berlage y Zusternan di Wit-  
Gele Kruis, familia, conocirnan, bisinjanan cu a mustra nan a-  
tencion na ora di enfermo y entierro di nos mama na bida jamá

**SRA. ROSA DE LIMA**

Na nomber di familia:  
Hernandez  
Oduber  
Geerman  
Rasmijn.

### TA BENDE

Auto M.G. Sport 1964  
corri 8000 km.  
Tapijt grandi di Perziele, 75.--  
lessenaar f. 70.--  
Schemerlamp f. 15.--  
Mesa largo pa den veranda  
(Formica f. 20.--  
Cashi pa boeki y boeki tambe.  
Acudi despues di 6'or p.m.  
na Neptunesstraat 6.





# Avionnan mericano a bombardea comunistanan cu a ataca Nghia Nanh

SAIGON -- UPI -- Avion jet di Estados Unidos a desbarata un centro di operacion di Vietcong ayera, na 335 kilometer nordeste di Saigon, matando mas o menos 100 insurgentes, y a causa daño na 116 edificio enemigo.

E incursion a tuma lugar poco despues di un bombardeo cu morteros, lanza pe guerrillanan comunista contra e aerea di e ciudad Nghia Nanh, banda di e base aerea Da Nang.

E atake comunista a causa morto di un marinier vietnames y heridanan na cinco norteamericano y 28 vietnames. Den e region serra di e provincia Kontum, por lo menos pa awor aki aparentemente, nan a bandona e plannan pa reconquista Tou Marong, capital di e distrito aki. Tal impresion a bini for di e suspension, sin aplicacionnan di un accion programa cu traslado di trupanan den helicopternan.

Pero, norte di paralel 17, 55 avion norteamericano y vietnames a ejecuta golpenan nobo contra Vietnam del Norte y a lanza un awaceru di panfletanan riba cinco ciudadnan comunista.

E atakanan a centraliza nan mes riba brug, cuartel y centro-nan di comunicacion enemigu.

Cuater aparato jet "Thunderbird" F-105 di forsa aerea di Estados Unidos a lanza mas o menos 2,700,000 panfleta, segun nan ta calcula, riba e ciudadnan Phat Diem, Bai Thung, Thanh Hoa, Dong Pong, y Minh

Dinh, bulando na solamente 85 kilometer for di Hanoi.

Riba e panfletanan ta aparece un caricatura di e dirigente-nan norvietnames cambiando - arroz pa armamentunan di China Comunista y nan ta sugeri qu pueblo mester exige mas tantu reaccion di e guminda basico aki

den e dieta nacional.

Tur e aparatonan participante den e incursion nan qu a bula cu escolta di avionnan caza, a regre-

sa nan basenan sin novedad y nan a informa qu nan pilotonan no a topa cu tiramentu anti-aereo of un solo avion enemigu.

## AUTORIDADNAN SANITARIO TA TRATA NA RESOLVE MISTERIO DI EPIDEMIA DI RIVERSIDE

RIVERSIDE (California -- UPI -- Autoridadnan sanitario ta trata na resolve e misterio di e epidemia qu a afecta mas o menos 18,000 persona di e ciudad aki di California meridional, y qu ya caba a laga tres morto.

Funcionarionan conoce origen di e epidemia -- un bacteria ya-ma Salmonella Typhimurium, qu ta causa comun di Ptomaina. Tambe nan sa con e epidemia a propaga su mes --- door di waterleiding.

Resto di esaki ta un misterio. Con e awa inicialmente a contaminá? Docenas di experimentonan y oranan largu di investigacion minucioso no a revela e fuente di e contaminacion.

**GRUNDIG**

WIMCO -ARUBA

## MUCHANAN UN BOEKI NOBO

"E TESTAMENTO NOBO DEN PRECHINAN PA MUCHANAN"

Cumpra pa Fls. 3.00

Na: LIBRERIA VICTORIA-NASSAUSTRAT 73A -Aruba.

E/E - Publicacion di Editorial Evangelica.



SAIGON--Un muher vietnames ta corra di su sanger di e heridanan cu el a sufri durante un explosion cu tabata den un restaurant na Saigon. Riba e foto nos por mira con norteamericanonan ta yudando di saca e victimanan for di e restaurant.

## Misionera a relata con e mester a entrega su mes ne congolenonan

Leopoldville -- UPI -- Un misionera britanica a relata con e mester a entregá su mes ne rebelde-nan congoleño nochebuena diaña pasa ora qu e ultimonan aki a me-naza cu asesina tur e habitantenan di e pueblo den cual e tabata.

Margaret Hayes, di 29 aña di edad, sobreviviente di e escalofriante matanzanan, a bisa qu e pueblo a ser pega na candela y qu dos persona qu a sal den su defen-sa a ser mata y ocho mas a ser gravemente herida.

Dia 24 di december mainta ela dicitu na entregá su mes ne rebelde-nan pa pone fin ne matanza, creyendo positivamente qu esaki lo tabata su ultimo dia di bida.

"Matami si boso kler --- asina ela bisa su captornan -- pero perdona e hendenan inocente ey".

E rebelde-nan a calma y a contesta; "Nos no kler mata ningun hende; sino qu nan mester yuda nos, pasobra abo ta e unico dokter qu tin den e pueblo aki y Stanleyville".

Señorita Hayes ta un di e 19 personanan qu a ser rescata pa mercenarionan diasabra ultimo den e selva serrá qu tin rond di Buta, den e zona norte di Congo, y cu a ser trese e capital aki pa via aerea diadomingo anochi.

E informante a scapa di e matanza di Banalla, dia 25 di november pasobra, cuater dia prome, e habitantenan di e pueblo a logra nan libertad pa sigi cuida esnan malu.

E mesun dia ey dos pareja britanica y nan cinco yunan a ser mata, y tambe e misionera norteamericana Mary Elizabeth Baker, un otro misionera neocelandes, cuater monja belga y un pader di e mesun nacionalidad.

Na fin di mei ultimo, Margaret Hayes tabata detenel den un habitacion shushi na Buta, ora qu e rebelde-nan a extermina 31 pader belga y hulandes.

E misionera a relata textualmente;

"Trinta y un pader, 15 monja, se -

ñora Madine Legros (belga, y su dos yunan, tabata huntu cu mi den un habitacion chiki sin cama of stoel.

"E rebelde-nan a yega y a registra nos sacunan, kita nos sunu y a somete nos na riguroso inspeccion individual. Nan a kita e monjanan nan renchie, crus, bril y a bai cu tur cos.

"Nan a hasi e monstruosidad aki varlos bes. Nan a obliga e padernan pa kita nan pañanan den nos presencia y e siguiente dia for di li' or di mainta nan a regresa cu garroti y a bati e padernan for di e ora ey te 4' or di atardi.

"Despues nos a tende orden di mara e padernan nan man y píanan. Nan a ser atacá cu machete y benta den rieuw. Algun di nan tabata te ainda bibu ora qu nan a cai den awa. Un rebelde (Simba) qu tabata den bentana presenciando tur cos tabata conta nos tur loke tabata pasando".

2 DROPS

NOT 8

AS SWEET AS  
1 TEASPOON  
OF SUGAR!

**SWEETA**

SQUIBB  
CONCENTRATED  
NO-CALORIE  
SWEETENER



SAIGON---Restunan so a keda di e restaurant My Canh despues cu terroristanan a tira tres bom riba dje. Riba e foto nos por mira tres di e victimanan di e desastre. E explosionnan a costa bida di por lo menos 42 persona incluso 12 norteamericano. Radiophoto UPI.



# BOEING DI PANAM A HASI ATERRIZAJE FORZOSO NA TRAVIS

SAN FRANCISCO--UPI--Un avion di Pan American World Airways, despues di 19 minuut di terror, a baha sin dificultad ne base Travis di e Forsa Aerea, 70 kilometer na noreste di e ciudad aki. E aparato cu tabatin 153 persona a bordo a perde un di su motornan y gran parti di su ala robez, despues e tabatin dificultad cu e tren di aterrizaje, pero ningun di e pasaheronan cu tabata a bordo ni siquiera a hanja un rasku.

drama di e Boeing 707 gigantesco a ser sigui visualmente pa radio pa miles di residente e baha di San Francisco, a cual e restunan di e aparato cu tabata na candela a cal, dificultadnan a cuminsa solamente algun seconde despues cu e aparato a lanta di e aeropuerto San Francisco den direccion Hawaii. E testigunan a describi e accion for di e momento

corresponsal di United Press International James Clifford, a bisa cu el a tende un explosion riba su cas den e region meridional di San Francisco.

A sona manera un avion a perde un di su motornan--el a bisa-- tabatin hopi bochinchá, manera un explosion. Ma spanta, y masha: ate ta bini!"

McGrath y dos di su compañeronan tabata traha un generador den e compania di construcionnan Caldwell na San Bruno an a weta e motor cu tabata na candela kita for di e aparato cal directamente riba nos. Nos ta mira e motor, pero nos no tabata sa na unda e ta bai al ma corre mas lihe posibel" e motor a cai riba un dak y destruí e completamente. En e region sur di San Francisco un pida di mas di tres meter e ala robez di e aparato a cai banda di un cas den cual un familia tabata mira television. Un otro pida a cai den santaderia di Santa Cruz.

Un testigu no identifica a bisa ora ora puidan di e ala robez di e aparato e piloto a lora di controla e avion y a di-

rigle den direccion di laman y leeuw for di e distrito di Daly City y San Francisco.

Despues e piloto, capitán C.H. Kimes, a apunta e nanishi di su aparato na sur den direccion di e aeropuerto di San Francisco. No obstante, ora cu el a informá e torre di control di e aeropuerto cu el a logra di domina e avion el a hanja orden di baha ne base Travis di Forsa Aerea, mas o menos 80 kilometer na noreste.

Ora cu e avion, sacando hopi humu, a acerca e base, Kimes a adverti cu e no por a baha e tren di aterrizaje. El a bolbe lanta y a hasi un circulo rond di e base y ora cu e tripulacion a logra di baha e tren di el a bolbe baha riba e pista.

Miles di habitante di e zona di San Francisco a sigui e drama di e milagroso descenso pa intermedio di e radio cu a conectá su lineanan cu e torre di

control di e base aerea di Travis.

"E avion ta un kilometer y mei di e pista -- e encargado di e torre di control a bisa -- awor na solamente mei kilometer.. el a baha diez seconde... Nan no a indica cuminsamentu di un candela.. ta parse cu e tanki di combustible di e ala robez a bula .. E avion a pra y rapidamente tabatin brandspuit nelugar".

"Tabatin un cantidad di persona cu tabata na ansia den e avion aki -- Martin Meyers, un di e pasaheronan a bisa -- pero ningun di nan a demostra esaki".

ARIES- mar. 21 a abril 19- Dfgale amigablemente a otros lo que usted quiere hacer en el futuro, y después labore tranquilamente y haga los cambios que sean necesarios. Esto le ayudará mucho. Las mejores eliminan problemas.

TAURO- abril 20 a mayo 20- Usted tiene que prepararse ahora confidencialmente para los eventos futuros, y logrará resultados excelentes también si conferencia con sus superiores. Ayude a los que están a su alrededor.

GEMINIS- mayo 21 a jun. 20 Usted sólo tiene que tomar el receptor de su teléfono para lograr sus metas personales y te-

Ne momentonan ey e candela ya a paga y ora qu e avion tabata yegando serca e aeropuerto internacional di San Francisco, nan a ordenale for di e toren di control pe sigi su viaje pa Travis, 65 kilometer noreste.

Sacando hume a ainda, e avion a cuminsa acerca terra ora qu e piloto a descubri qu e tren di aterrizaje no a sail.

ner la vida social que desea. Aumente el número de sus amigos. Extienda sus actividades.

CANCER- jun. 21 a jul. 22- Comunicarse directamente con las personas más poderosas que conoce, le brindará el respaldo para sus anhelos más queridos. No siga deliberando, sea práctico. Haga que el trabajo cívico le pague dividendos.

LEO- jul. 23 a ago. 22- En vez de continuar batallando con cualquier cosa anticuada, busque alguna empresa nueva que le traiga mayor abundancia. Personas de fuera de la ciudad pueden serle muy útiles.

VIRGO- ago. 23 a sept. 22- Hablando relativa y literalmente, usted está deseoso de pagar sus cuentas, de modo que pongase a trabajar y haga justamente eso. Busque un sistema nuevo de teneduría de libros que sea más exacto.

LIBRA - sept. 23 a oct. 22 Cerciórese de impresionar a aquellos con quienes usted tiene

contratos cumplidos al pie de la letra.

Después ocurrirán muchas cosas que lo ayudarán a triunfar. Está alerta, sea dinámico.

ESCORPION - oct. 23 a nov. 21 Usted tiene varios deberes por delante que quisiera terminar, de modo que comience bien temprano. Añade también toques artísticos. Mejore su salud y a-pariencia, al mismo tiempo.

SAGITARIO- nov. 22 a dic. 21- Si está astrológicamente preparado como es debido, sintiéndose de lo mejor, puede terminar sus obligaciones rápidamente. Haga sus citas tempranas. Redúcese con personas que congenien.

CAPRICORNIO- dic. 22 a ene. 19- Usted ha estado trabajando en ciertos sistemas fundamentales y ahora es el momento de ponerlos en operación de un modo positivo. Atienda los deberes pequeños en la casa. Complazca a un pariente.

ACUARIO- ene. 20 a feb. 18- Usted requiere cierta información y puede encontrarla fácilmente hoy y usarla para su mayor ventaja. Esta noche será ideal para las cosas culturales, artísticas.

PISCIS- feb. 19 a mar. 20- Usted tiene las finanzas muy presentes en su mente y debe hacer algo para tener mayor abundancia, debido al aumento de los gastos. No limite sus pensamientos. Aumenta su cuenta bancaria.



MR. CHAN TA BISA: "Si bo kler come manerá  
millionario pero spaar placa na e mes  
tempu, bini na

## HONG KONG RESTAURANT & BAR

Nos cuminda ta berdaderamente Chineses.  
També tin cuminda Europeo y Americano.

Aire Acondicionado — Masha Agradabel

A. Lacle Blvd. 19

Tel: 2966

14.

## Sufrimentu y Felicidad

amé manera bo kler, pero mi mester tin seguridad". E ta lalé su so y ta corre bay na e oficina pa pidi un jamada telefonica cu K. Tina ta keda sintá na mesa cu sentimentonan tur bru. Un banda ta masha digno di orgo, na e manera cu Ludwig preocupá pa su amigo. E no ta masha caso mucho suave, pasoa e kler drecha bek, loke el a nja. Ta duél masha hopi. Pendi otro banda... kiko esey taifica pa su tinjora joven. Ya baha Ludwig tin duele cu el a sa cu né? E ta maldición e a, cu el a topa cu né? Lo e ta eferá pa tur e cosnan aki no a masha lugar? E ultimo pensamentu tabata amargo pa Tina.

confundi e ta pasa man den su bey, y ta hala rosea pisá. Lenamente e miedo di su esposo taenta den su curpa tambe, y ya no por pensa bon mas. "Corda Ludwig ta odiami caba, pasoda mi a seducié?", e ta puntra mes. Pero segun é, e no tin lpa. E no a koketá cu né, y no a pensa e ventaha y desentahahan delantá. Nan dos a orde treciuntu, door di nan opio sentimentonan. Ya caba no tin nada mas di e sentimentonan ey? Mi Dios, haci pa ta Bernhard Mathes, ta eperna cu a haya accidente, y e ta ita para pa bay tras di Ludwig. tretanto Ludwig a drenta canda e telefoon ta poni, y unda

nan a conectá cu e hospitaal. E ta paplando basta duro, y Tina por comprende cada palabra, ora cu el a lega para dilanti e porta. "Mi a lesa e noticia di e accidente cu a tuma lugar na e brug", e ta bisa. "Mi tamasha preocupá, pasobra segun mi e nomberparce di mi mihor amigo. E tabata tin intencion di cuminsa un viahe cu su auto den e direccion aki".

"Asina? Ta trata di un persona di ciencia y escritor di Heidelberg?" "Si, asina ta pará den e corant, Mathes ta e faam di mi amigo. Bernhard Mathes.. Kiko? Ta é mes anto? Mi por a pensa asina...." Tina a mira con hondamente conmovi, Ludwig a laga e telefoon zak un rato. Door di e glas, Tina por a ripara conbleek su cara a bira. E ta hala mas serca y ta habri e porta. "Kedabo trankil", e ta murmura "E no a muri ainda". "Ta é mes", Ludwig ta contesta sin brio. Ainda e otro persona na e linja ta paplando, y Ludwig ta bolbe pone e telefoon na su oreo.

"Si, mi ta scuchando, no sera e telefoon ainda. Ta mi amigo mes, y con ta cu né? Tin speranza, cu e ta...." "E ta serio heridá, tabata e contesta door di e telefoon.

"E tin un herida na su weso di lomba. Aparentemente e no por cana mas, si e keda bibe. Naturalmente cu nos ta haci tur posi-

bel, pa...." "Naturalmente, di esey, mi ta convenci", Ludwig ta contesta. Y despues e ta sera e telefoon. Tina tambe a drenta eyden. E ta pará pegá cu Ludwig y ta keda miré den su cara. Awor e catastrofe a yega, Tina ta pensa. Nunca mas Ludwig lo lubida. E sentimiento di culpabilidad lo no lagué trankil. Nada dene mundo aki por saca e pensamentu ey di su curpa. Y ami e lo bay odia, pasobra ta ami ta e motibo di tur e cos aki.

Oh mi Dios, kiko mi mester haci? Pero e no ta haya un contesta riba e pregunta aki. Na lugar di esey, Ludwig ta bisé cu un stem extraño: "Mi ta bay serca dje. Abo por keda akinan. Of si bo kler, bo por tuma e troje y bay cas, Tina. Manera bo kler, mi ta sigur cu e no kler mirabo".

"Y bo ta sigur, cu e kler mira abo sí?" Tina ta puntra. "Si e mirabo, lo e bolbe recorda pasado, y esey lo ofendé mas ainda".

"Toch mi mester bay serca dje. Mi mester sa, si el a hacié pa malo. Esey lo ta mi sentencia di morto".

Pa calmé un poco, Tina ta caricia su mannan.

"Ludwig, bo ta malo. Bo mester bay consulta un dokter. Kiko bo a imagina bo mes? Y ademas bo no ta yuda Bernhard cu nada, si bo haci asina".

"Lagami trankil, bo no ta comprendemi toch".

Cu un movecion poco bruto, e ta ranca su man bek. E ta habri e porta y ta corre bay na e oficina pa informa tocante situacion di e camindanan. "Den cuanto tempo mi por jega na e hospitaal? Ta masha urgente. Mi mester yega na tempo, pasobra ta trata di un hende seriamente heridá".

E kler pidi pordon, Tina ta pensa, y cu su cabes abou e ta cana bay na su kamber. Si Bernhard muri, sin pordoné, Ludwig su consenshi lo no keda sosegá, te dia cu e muri. Tina tabata sa, cu si e dos amigonan na a yega na un acuerdo, nunca mas lo tin felicidad pé cu Ludwig. E sombra di Bernhard Mathes ta pará memey di nan dos. Y e ta hopi fuerte tambe. Kiko lo a pasa en realidad? En berdad Bernhard Mathes kler a suicida su curpa? Su desesperacion pa e perdida di Tina y e traicion di su mihor amigo, tabata asina grandí? Of tabata un accidente pa motibo cu sneeuw tabata cay hopi y e caminda ta peligroso? Pero si ta asina mes, destino a traté infelis y e merecé compasion y ayudo.... te unda cu e kler accepté naturalmente. Pero en todo caso, e terribel sen-

timiento di culpabilidad lo kita di nan consenshi.

"Mester ta un accidente", e ta murmura. "Mester ta un accidente, otro cos no por ta...."

Porfin el a jega den su kamber y a cuminsa prepará e maleta pa su esposo. Mientras e tabata drechando e maleta, Ludwig a cana drenta. E tabata tin un papel den su nan, cu e oranan di e treinnan notá, y tambe un mapa. E ta sonrei un rato agradecido, ora cu e ripara cu Tina a cuminsa drecha su maleta.

"Bo mes ta mira, cu mi no por haci otro cos", e ta bisa. "Si, mi ta comprende. Corre cu cuidao Ludwig. Mi tin masha miedo". Tina ta hiza su mannan pa brazé, pero Ludwig ta hala un poco atras. Despues e ta laga Tina sunché, pero ta kita lihé di dje. Asina leeuw a jega caba, Tina ta pensa.

"E contacto cu mi, ta poné sinti desagradabel". Tina ta sinti inmensamente tristo. Su curazon ta bashí y doló. Nada no a sobrá di mi felicidad, e ta pensa. Maré mi por a sospecha promé.... E ta despedi di Ludwig, y ta paketé su maletanan, entregá e jabí di e cuarto, y e siguiente mañana e ta coy trein pa Alemania. Elgante y envidiá door di hopi mucha muhé, Tina ta sintá den e departamentu di primera clase.

E ta sigi.....



**RIP KIRBY**

Agente exclusivo di

**FRIESCHE VLAG**

pa cortesia di:

lechi evaporado y lechi en polvo

**JAN BODEGOM & CO (ARUBA) N.V.****MAXWELL HOUSE KOFFIE.****DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA --- SEVEN UP --- GRAPETTE-KIST --- VICTORIA SODA WATER---**  
**BUFFALO ROCK--- GINGER ALE**

**ISCO KID**

pa cortesia di:

**ARUBA BOTTLING COMPANY**

**NESBITTS** den varios sabor, e refrescan mas pidi y mas gusta na Aruba.



# AGENDA TELE-ARUBA

- 5.30 Children Hour
- 6.00 Public Service
- 6.30 Verzekijker
- 6.45 News
- 7.00 Lassie
- 7.30 Sportsnews
- 7.45 Beverly Hillbillies
- 8.15 Naked City
- 8.45 English News
- 9.00 The Fugitive
- 10.00 Dutch News
- 10.05 Wrestling

# RADIO CARACAS TELEVISION


- 2.00 La Novela del Hogar
- 2.25 La Novela Romantica
- 2.45 Secretos de Mujer
- 2.50 La Novela Pasional
- 3.10 Tu Desconocido Yo
- 3.25 Locolandia
- 4.00 Cortos Cinematograficos
- 4.15 Las Aventuras de Lassie
- 4.45 Comedy Capers
- 5.00 Las Aventuras de Robin Hood
- 5.30 El Rey Leonardo
- 6.00 Las Aventuras de Superman
- 6.30 Magulla el Gorila
- 7.00 Daniel Boone
- 8.30 M-Squad
- 9.00 El Observador Creole
- 9.15 Cine de los Miercoles
- 10.45 Alfred Hitchcock
- 11.15 La Sombra del Destino

11.45 Radio Caracas Television  
Te Dice, con Mons. Juan Fco. Hernandez.

**VENEVISION**

DIARASON

- 3.00 Cocina al Minuto
- 3.30 Historias de Amor
- 4.00 El Club de Zorro
- 5.00 Popeye
- 5.05 El Angel del Espacio
- 5.15 El Investigador Submarino
- 5.45 Sugarfoot
- 6.45 El Oso Yogui
- 7.15 El Informador
- 7.30 Casos y Cosas de Casa
- 8.00 La Quinta de Simón
- 8.30 Emilia Busca un Novio
- 9.00 El Espectaculo más Gran-  
de del Mundo
- 10.00 Silentes ... Por Favor



DE VER: 8.30 p.m. "Love in  
las Vegas" 18 j.  
RIALTO: 8.00 p.m. "El Toro Ne-  
gro" 18 j.  
PRINCIPAL: 8.00 p.m. "Mutiny  
on the Bounty" 18 j.  
AURORA: NO MOVIES  
SAVANETA: 8.00 p.m. "Walk the  
Proud Land" 18 j.

**POR CUMPA ARUBAANNE  
COURANT NA E SIGUIENTE  
LUGARAN:**

**NA ORANJESTAD:  
BOEKHANDEL MARIKA.  
PIET SODA FOUNTAIN.  
REFRESQUERIA INGRID.**

**NA SAN NICOLAS  
NICOLAAS STORE.  
UNION STORE.**

**RADIO VICTORIA**

- 6.00 Apertura & Musica di Ban-  
da
- 6.15 E Bijbel Habri
- 6.30 Ultimas Noticias
- 6.45 Peticiones
- 7.00 La Biblia Abierta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria  
Joyas del Hogar
- 8.30 Ultimas Noticias
- 8.45 El Pan De Vida
- 9.00 Mundo Femenino  
Gymnasia  
Joyas del Hogar  
Canta Leo
- 9.15 El Sendero de Vida  
Canticanan di Evangelio  
Corazon a Corazon
- 9.30 Morning Melodies
- 10.00 The Bible For You
- 10.05 Band Music
- 10.15 Organ Melodies  
Thoughts on Home  
Sacred Songs  
Gospel Bells  
Sacred Classics

- 10.30 Trough the Bible  
Songs That Touch  
The Heart
- 11.00 Chapel of the Air
- 11.15 Delicados Pastos  
Canticanan di Evangelio
- 11.30 Melodias di Merdia
- 12.00 Ultimas Noticias
- 12.15 Musica Sagrada y Medita-  
cion  
Sacred Music & Call of  
Calvary
- 12.30 World News
- 12.45 Quiet Time
- 1.00 Radio Concert Hall
- 2.00 Reading Room  
Hour of Decision  
(repeat)
- 2.15 Quiet Hour
- 2.30 Dr. Barnhouse and the  
Bible
- 3.00 Bible Study Hour
- 3.00 Ensueños Musicales
- 3.30 La Hora Bautista  
Control Central  
Bo Pregunta Contesta  
Prosa Y Poesias  
Vida Nueva  
Titanes de Fe
- 3.45 Academia Cristiana  
Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post  
-Fun With Music
- 4.45 Sailor Sam  
Muchanan pa Cristo  
Children's Gospel Hour  
Fun With Music  
-Music Box  
Hobentud Pa Cristo
- 5.00 Vertel Uurtje  
Canta Leo  
E Ora Aventuroso  
Melodias del Alma  
Informacion di Gobierno
- 5.15 Palabranan di Bida

- 5.30 Ecos del Cielo  
La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Weide  
Christelijke Lieder  
Christus tot de Volkeren  
der Aarde Gebracht  
(herhaling)  
Voor Zijn Glorie  
Windows on Holland
- 6.30 World News
- 6.45 Lago Hour  
Baptist Hour  
Miracles  
Musical Interlude  
Haven of Rest  
Issues in the News
- 7.00 Organ Hymns that Live  
Sacred Songs
- 7.15 Off the Record
- 7.30 Miracles and Melodies  
Bible Time  
Light and Life Hour  
Haven of Rest  
Unshackled  
Showers of Blessing
- 7.45 Psychology for Living  
Look Up and Beyond
- 8.00 Musical Gems
- 8.30 Back to the Bible
- 9.00 Klassieke Muziek
- 9.55 Dagsluiting
- 10.00 Sign Off

**RADIO KELKBOOM**

- 7.00 Opening
- 7.02 Bon dia cu alegria (Instru-  
mental)
- 7.30 Noticia Internacional (Am-  
ster)
- 7.45 Musica Matutino
- 8.00 Seleccin Musical cu dis-  
conan Latino Americano
- 8.30 Cumpleaños Feliz
- 9.00 Noticia Social
- 9.15 Musica Varia
- 9.30 Melodias Instrumental
- 10.00 Noticia Internacional
- 10.05 Ritmos Latinos
- 10.30 Programa di N. Habibe Jr.
- 11.00 Noticia Internacional
- 11.05 Musica Norte-Americana
- 11.15 Musica Antillana
- 11.30 Musica Varia
- 12.15 Noticia Internacional  
(Schlitz)
- 12.30 Musica Norte-Americana
- 12.45 Noticia Lokal (Vina)
- 01.00 Musica Varia
- 01.30 Ripiticion Boekbespreking  
P. Heuvel
- 01.45 Boleros
- 02.00 Noticia
- 02.05 Novela (Ripiticion)
- 02.30 Peticiones
- 03.00 Notici
- 03.00 Noticia
- 03.15 Peticiones
- 03.15 Ritmos di Caribe
- 03.45 La Macortisana & Interna-  
tional Supermarket
- 04.00 Musica cu sabor Azteca
- 04.30 Noticia Lokal (Heineken)
- 04.45 Cocktail Music
- 05.00 Musica Varia
- 05.15 Musica Varia

**TA BENDE**

Auto Opel Rekord, anja 1933  
cu radio, tyre white-wall.  
E tin bon furo y ta den bo  
condicion.

Pa informacion acudi na:  
Emmastraat 34.

# ESNAN CU A SLAAG PA MULO

ORANJESTAD, 30 juni.- Di e  
cuarenta alumnonan cu ayera  
a haci examen di Mulo a slaag  
bintitres y shete no a logra pas-  
cu bon resultado. Esnan cu a  
slaag ta:  
Beatrice Yanez, Emiliana Ras,  
Remigio Vingal, Reynilda Lo, A-  
na Perez, Mary Richard, Jose de  
los Santos Vrolijk, Roy Mezas,  
Ilvia Croes, Maria Figaroa, Be-  
nita Helder, Teolinda Maddicks,  
Catalina Croeze, Benoit Croes,  
Mariano Arends, Jose del Car-  
men Herrera, Pedro Valentijn,  
Alvin Wever, Johannes Wever,  
Frank Zaandam, Madzy Bouwer,  
Ingrid Sjaw-Akian, Maria Mers